

書

致堂先生叙古千文字說

金陵後學鳳陽姚福世昌集

致堂先生姓胡氏諱寅字明仲文定公之從子文定夫人舉而子之建炎中拜起居郎尋遷徽猷閣直學士與秦檜不合被貶新州著讀史管見三十卷卒於高宗紹興二十六年

朱子曰胡致堂議論英發人物偉然向嘗侍之坐見其數盃後歌孔明出師表誦張才叔自靖人獻于先王義陳了翁奏狀可謂豪傑之士也



又曰叙古千文禮部侍郎胡公明仲所作其叙  
事立言昭陳法式實有春秋經世之志至於發  
明道義開示德門又於卒章深致意焉初學小  
童朝夕諷焉而問其義亦足以養正於蒙矣  
饒應中問雙峯先生曰今似入學讀何書雙峰  
曰讀叙古千文次讀刊誤孝經伺其畧曉方讀  
小學書及論孟

熊大年曰致堂先生叙天地人物之初與夫歷代君臣  
治亂得失聖賢道統絕續終闢異端末枝分為十四節  
此文綱領宏開本末兼備自當別為一編訓之使童

習蚤聞經學史學之原委且以代今之所謂千文者  
序說

致堂先生叙古千文

金陵後學鳳陽姚福世昌集解

太和絪縕二儀肇分

絪音因縕于倫切  
肇音兆

太和陰陽不分之名絪縕元氣混沌貌二儀天地也  
肇始分判也易曰易有大極是生兩儀又曰天地絪  
縕萬物化醇此言元氣絪縕混而為二氣既分清

者為天濁者為地於是天地位焉謂之兩儀

### 清濁莫位乾坤為門

清者天之形濁者地之質莫定也。乾健也。天之用坤順也。地之用為門者。萬物所由出也。易曰。乾坤其易之門耶。此言天地既分。則萬物由是而生矣。

### 品物流形睿哲起羣

品物。人與萬物流形。生形也。睿哲。聖智也。起群。出於衆類之上也。易曰。大哉乾元。萬物資始。乃統天。雲行雨

施。品物流形。此言天地既生。萬物則又必生。聰明睿哲之人。出於世類之中。代天理物。為君為師。而使之治教。生民焉。右第一節。言天地萬物。

### 維河出圖顯道之原

維繫語辭。河圖者。陰陽之數也。顯著。原本也。董子曰。道之大原。出於天。易曰。河出圖。洛出書。聖人則之。昔者伏羲氏王天下。龍馬負圖。出於孟河。故謂之河圖。此天之垂象。顯著。斯道之大本也。

伏羲畫卦爻始斯文 爻于權切

伏羲太昊氏也。八卦乾坤坎離艮巽震兌也。斯文斯道也。此言伏羲則河圖書八卦以盡陰陽之理而斯道起於是也。

### 儼垂衣裳下臣上君

繼音垂去聲

儼恭也。自上繼下曰垂。上曰衣。下曰裳。黃帝之時始作衣裳。畫為九章。故君臣上下之分於此始矣。

### 軒轅通變成於華勳

軒轅有熊氏也。繼神農以土德王天下。土色黃。故稱黃

帝。易曰神農氏沒。黃帝堯舜氏作。通其變。使民不倦。神而化之。使民宜之。易窮則變。變則通。通則久。成華美也。王功曰勳。蓋言黃帝授河圖。上律天時。占斗綱。下授民事。為文章。以表貴賤。作舟車。以濟不通。畫野分州。設官分職。為宮室。而庶民安居。習干戈。而諸侯帖服。成美勳於當時。流餘澤於萬世也。

### 意誠心正萬物化生身

意。心之所發也。誠。實也。身。心之所主也。正。平定也。萬。盈數也。化者躬行於上。風動於下之謂也。生出也。蓋意誠

則心正心正則身脩聖人以身率教為民標準大學  
教人之法有自來矣

神禹胼胝跣躣濬汨湮

胼部田切胝丁尼切汨音骨

跣音硯

靈妙不測之謂神謚法受禪成功曰禹妣姓鯀之子也  
胼胝皮起跣也躣通濬深之也汨汨湮塞也堯時洪水  
滔天命鯀治之無功舜舉禹使續父業禹傷父功不成  
乃焦身勞思手足胼胝居外十三年三過其門而不入陸  
行以車水行以舟泥行以橈山行以樺而治其水焉

底別九州極拔執工昏

底音志墊音店

務音茂

底定別分也九州北冀兗青徐荆豫梁雍揚也極拔猶  
救濟墊昏溺務也書曰下民昏墊禹跣九河濬濟濩  
决汝漢排淮泗鑿九州通九道陂九澤度九山天下然  
後平治民始得安在而耕食矣

貢賦包篚多寡務適均

篚音匪適音釋

下之所借曰貢上之所取曰賦包篚也篚竹器適相當均平  
也此言禹相土地之厚薄而徵貢賦以供天子以給諸侯  
皆多寡相當而均平也

沐浴詠歌逮今攸遵

逮音代

濯髮曰沐浴。澡身曰浴。逮及彼所遵循也。言禹之恩澤及於人，猶沐浴然。四方之人感詠歌以彰厥德，至今尚有所遵也。

棄稷厥初，夙辰姜嫄。嫄音原

棄，人名，稷號也。厥，其夙，肅震，娠也。姜嫄，棄母。帝嚳元妃也。嘗出郊，禱見大人迹，而履其妣，遂歆歆然。有人道之感，居期生子，以為不祥，棄之隘巷。馬牛不踐，又棄之冰上。飛鳥以翼覆之，故名曰棄。及長，好農事，克舉以為農師，有功，封于卽。誦曰：后稷。詩曰：厥初生民，時維姜嫄。

載震載夙，時維后稷。詳見大雅生民之篇。

秬秠糜芑，芾種耕耘。秬音巨，秠音丕，糜音門，芑音起。

秬，黑黍。秠，一稔。二粟。糜，赤梁。芑，白梁。芾，治種布之也。耕，耘皆治田也。此言后稷教民稼穡之義。

既亶且播，食蟠烈飶，食饗。饗音雍，餐音孫。

既，及也。亶，人名。播，布食粒。食蟠，藝烈爛也。朝食曰饗，夕食曰餐。詩曰：載蟠載烈，以興嗣歲。此言先王焚山澤，驅鳥獸，稷得以種五穀，使民安居而熟食也。

字毓蒸黎餘慶茂毓

字愛毓養蒸衆黎黑也民首皆黑故曰黎民書曰黎民於變時雍詩曰天生蒸民餘慶遺福也茂盛毓多也蓋后稷樹藝五穀其遺福生民甚盛多也

契實掌教脩序彛倫

契人名掌主也教五品之教即父子有親君臣有義夫婦有別長幼有序朋友有信也脩飭叙次彛常倫理也書曰帝曰契百姓不親五品不遜汝作司徒敬敷五教在寬又曰彛倫攸叙

由申已敬敷丕革頑嚚嚚音銀

由從也已謂舜也敬敬其事也敷布丕大革更易也頑者心不則德義之經嚚者口不道忠信之言書曰克典曰父頑母嚚象傲克諧以孝烝烝乂不格奸大禹謨曰蕞蕞齊慄瞽亦允若孟子曰舜盡事親之道而瞽叟底豫此言舜之大孝也

孝慈心友弟賤卑貴尊

善事父母曰孝慈愛也善事兄弟曰友弟猶遜順也賤



輕卑下貴重尊高也。蓋舜盡孝友之道而瞽象化之亦與慈弟由一家以及天下莫不子孝父慈兄友弟恭而貴賤有分也。

寬弘攸心久帝風雍醇醇音純

寬廣弘大悠遠久長也。帝謂舜風王者之聲教也。雍和醇厚也。蓋舜之德教行於上則風化洽於下而成至治醇厚之俗廣大而久遠也。

皋陶矢謨秋殺春溫陶音堯

皋陶人名矢陳也。謀之已定曰謨。殺猛溫和也。書皋陶謨曰天命有德五服五章哉。天討有罪五刑五用哉。言天命有德則五等之服以彰顯之如春之融和也。天討有罪則五等之刑以懲戒之如秋之猛厲也。

欽恤象刑信順協存協音叶

欽敬恤憫象肖刑法也。信誠順從也。同衆之和曰協存。在也。舜典曰象以典刑。又曰欽哉欽哉惟刑之恤哉。此言舜制墨劓剕宮大辟之五刑如天之垂象以示人也。夫刑之不欽則失之急不恤則失之慘故立之以欽而加之恤使

民得信從而和在也。

共魚驩苗討而弗論

魚音哀驩音歡

共共工官名。魚崇伯名。驩變人名。苗三苗國名。在江南荆揚之間。討誅也。舜典曰流共於幽州。放驩於崇山。竄三苗於三危。殛鯀於羽山。四罪而天下咸服。

蠻貊賓服治俗愈敦

貊音陌

蠻南蠻貊北狄賓服後也。治理效也。下所習曰俗。愈益敦厚也。舜典曰蠻夷率從。舜既誅四凶。天下皆服其用。

刑之當罪而各得其宜。不惟中國俗加敦厚。而蠻夷亦相率賓服矣。

嶽牧伐工洪造何言

四嶽官名。一人而總四嶽諸侯之事者。堯典曰咨四嶽。牧養民之官。舜典曰咨十有二牧。周官曰內有百揆。四嶽外有州牧。侯伯代替。工天工也。皋陶謨曰天工人其代之。洪造天地之撰也。何言不言也。論語曰天何言哉。言天子能以一心察天下之幾。不能以一身兼天下之務。任之庶官而已。猶天道不言而歲功成也。

三辰珠燦四序環循

三辰日月星四序春夏秋冬也環圓成無端之謂循依也此以下言舜治天下之效而得三光明照四季圓轉也

鳥獸咸若草木殖蕃

殖音實蕃音煩

鳥飛鳥獸走獸咸皆順也書暨鳥獸魚鼈咸若殖蕃生滋也言舜為天地鬼神萬物之生既咨禹平水土棄播百穀契敷五教皋陶理五刑垂治百工以盡人之性

矣又咨伯益作虞以養育草木鳥獸以盡物之性也

簫韶鳳凰焜耀典墳

焜音混

簫竹為之狀如鳳翼聲如鳳聲舜之樂韶樂名鳳凰羽族之靈者雄曰鳳雌曰凰焜耀光明也典謂五典墳謂三墳書曰簫韶九成鳳凰來儀蓋韶樂之奏幽而感神明而感人微而感物皆由舜德所召也載在典墳光耀無窮矣

右第二節叙黃帝堯舜

夏承虞禪次稱儉勤

夏禹有天下之號承受也。虞舜有天下之號禪傳與也。禹承舜禪立為天子。有菲飲食。惡衣服。宮室之儉。有一饋而十起。一沐三握髮之勤。

啓聽謳訟付畀後昆

昆音庇

啓禹之子。聽聽受謳謳歌訟獄。付授畀與。後昆子孫也。孟子曰。禹薦益於天。七年禹崩。益避禹之子於箕山之陰。朝覲獄訟及謳歌者。不之益而之啓。曰。吾君之

子也。啓乃即天子之位。故曰大禹家天下以其付畀子孫也。

戰甘鄴扈威賞詎煩

鄴子小切

兩兵相接曰戰。甘地名在扶風鄴絕也。扈國名。今扶風鄠縣是也。可畏曰威。賞褒賜也。詎豈煩不簡也。書甘誓曰。大戰於甘。乃召六卿。王曰。有扈氏侮五行。怠棄三正。天用勦絕其命。今予惟恭行天之罰。又曰。用命賞于祖。不用命戮于社。史記曰。啓立有扈氏不服。遂滅之。是也。

洛汭荒畋馳騁十旬

汭音芮

洛水名出高州至鞏縣入河水北曰汭從戰無厭曰荒政  
獵馳騁疾驅也十旬百日也書五子之歌曰太康尸位以  
逸豫戒厥德黎民咸貳乃盤遊無度敗于有洛之表  
十旬弗返有窮后羿因民弗忍距于河使不得返遂  
廢之立其弟仲康

### 御母述戒祖訓忍聞

御侍述謨舊也戒警教之辭祖始受命者也訓教  
忍容忍聞耳受也太康既荒政無度其弟五人御母  
以從後于洛之汭乃述大禹之戒作歌以警之即書五

子之歌

### 羿射擅朝寒浞又因

浞食角切

羿有窮國君名或曰善射者之名賈逵說文羿帝學  
射官故其後善射者皆謂之羿有窮之君亦善射故  
以羿目之也擅專据朝朝廷寒浞羿臣名左傳魏莊子  
曰昔有夏之方衰也后羿自鉅遷于窮石因夏民以代  
夏政恃其射也不脩人事而淫于原獸羿武羅伯因熊  
斃龍而用寒浞寒浞伯明氏之讒子弟也信而使之以  
為己相後殺羿而烹之浞因羿室生澆及豷故曰又因

戡殲澆豷少康與綸

戡音堪殲音光  
澆丘弔切豷音翳

戡克殲盡也澆豷泥二子名少康帝相之子綸虞邑名左傳伍負曰昔有過澆殺斟灌以伐斟鄩滅夏后相后緒方娠逃出自竇歸于有仍生少康焉為仍牧正其澆能戒之澆使椒求之逃奔有虞為之庖正以除其害虞思妻之以二姚邑諸綸有田一成有衆一旅能布其德而兆其謀以收夏衆撫其官職使女艾謀澆使季杼誘豷遂滅過戈復禹之績祀夏配天不失舊物

癸隊土令緒鼎遷于殷

癸履祭祭名也墜隳今美緒統系也殷即商盤庚遷都于亳改曰殷左傳王孫滿曰昔夏之方有德也遠方圖物貢金九牧鑄鼎象物百物而為之備使民知神奸用能協于上下以承天休桀有昏德鼎遷于商

右第三節叙夏

湯聘莘畝伊尹戮力

湯天乙有天下之號謚法除虐去殘曰湯聘求莘國名今司州邵陽縣是也百步為畝伊尹人名戮力併力也孟子曰伊尹耕於有莘之野湯使人以幣三往聘之故就湯而說之

以伐夏救民之事。

徂征自葛畏受無敵

徂往征正自由也。葛國名在陳留寧陵縣葛鄉。畏怖愛憐敵匹也。書仲虺之誥曰：乃葛伯仇餉。初征自葛。孟子曰：湯居亳，與葛為鄰。葛伯放而不祀，湯使人問之曰：無以粢盛也。湯使亳眾往為之耕，老弱饋食，有童子以黍肉餉葛伯，殺而奪之。湯始征自葛，載十一征而無敵於天下。

徂來其蘇鳴條倒戟

後戶禮坊

徂待蘇復生也。鳴條地名。戰雙枝之兵倒戟。猶言倒戈。仲虺之誥曰：徂予后，後來其蘇。通鑑湯紀：桀無道，暴戾殘虐，萬姓伊尹相湯伐桀，戰于鳴條。桀師敗績，放於南巢。諸侯皆推湯為天子，都於亳。

俾后克舜匹夫必獲

俾使后。后，蓋指湯克舜，二帝名。謚法翼善傳，聖曰克仁。聖聰明曰舜，匹夫一夫獲得也。書說命曰：昔先正保衡作我先王，乃曰：予弗克，俾厥后惟克。舜其心愧恥，若撻于市。一夫不獲，則曰：時予之辜。孟子亦曰：伊尹與我處，眎皀之中。

由是以樂克舜之道。吾豈若使是君為克舜之君哉。吾豈若使是民為克舜之民哉。思天下之民匹夫匹婦有不被克舜之澤者。若已推而納之溝中。是自任以天下之重如此。

### 速戾放桐遂終允德

速召之急戾罪也。放置桐成湯陵墓之地。允信也。道有諸已之謂德。書太甲曰。以速戾於厥躬。又曰。王徂桐宮。居憂克終允德。孟子曰。太甲顛覆湯之典刑。伊尹放之於桐。三年。太甲悔過。自怨自艾。於桐處仁。還義三年。以聽伊尹之訓已也。復歸於亳。

### 予弼益多齊武丁恭默

弼音鼻。齊音賴。

予我也。弼輔也。神交曰益。齊賜也。武丁高宗也。恭敬默不言也。說命曰。王宅憂亮陰三祀。既免喪。其惟弗言。群臣咸諫於王曰。王言惟作命。不言。臣下罔攸稟命。王庸作書以告。白以台正於四方。台恐弗類。茲故弗言。恭默思道。夢帝齊予。良弼其代予言。

### 對揚休聲鬼方是克

對者對以已揚者於衆休聲命也。鬼方小國也。得雋曰克。



說命曰敢對揚天子之休命。易曰高宗伐鬼方三年克之。通鑑曰武丁內反諸已以思王道。蠻夷編髮重

魯求郊野築巖說得魯休正切

魯還求覓也。爾雅曰邑外謂之郊。牧外謂之野。築居也。巖傳於版築之間。說人名因居傳巖。遂以傳為姓。得求之而獲也。說命曰乃審厥象俾以形旁求於天下。說築傳巖之野。惟肖爰立作相。王置諸左右。

### 總福駿駝賢主六七

總統福百順之名。駿駝馬也。商頌長發篇曰為下國駿駝百祿。是總統註謂能乘載諸侯如馬也。孟子曰賢聖之君六七作。註謂成湯太甲太戊祖乙盤庚武丁也。

### 悼監辛紂克於驕溢

悼傷監視辛高紂名。謚法殘義損善曰紂。克惡暴於自負驕放肆溢自滿也。史記曰紂資辨捷疾聞見甚敏。知足以距諫。言足以飾非。以酒為池。懸肉為林。寵妲己作炮烙。

之刑

# 師箕囚奴忠諫焚炙

師太師官名箕國子爵也司馬彪曰箕子名骨餘當紂之時上兼師保之職也囚拘繫奴僕隸也盡已之謂忠諫親諷也焚炙謂炮烙之刑史記曰紂淫亂不止箕子諫不聽乃佯狂為奴紂又囚之比干亦直言諫紂怒剖視其心九侯有好女入之紂女不意淫紂殺之而醢九侯鄂侯爭之并脯鄂侯

右第四節叙商

# 豳岐積累昌謨寔沒赫

豳地名在新平漆縣之東北岐山名在鳳翔府今岐山縣周之舊國也積累猶言基厚也昌文王名謀之已定曰謨寔沒赫盛也按史記周自后稷別姓姬氏傳三世至公劉公劉卒子慶節立國於豳又八傳至古公亶父脩后稷公劉之業積德行義國人皆戴之戎狄攻之去踰梁山止於岐下有二子曰泰伯曰虞仲曰季歷季歷生昌是為文王而始受天命也

重演文錄端本衽席

美

重複演廣文交錄占辭也。端正本根衽衣襟也。單曰席。按史記西伯因<sup>美</sup>羹里蓋益易之八卦為六十四卦。孔子曰易之興也其當殷之末世周之盛德耶。當文王與紂之事耶。史記孔子世家曰古者詩三千餘篇及至孔子去其重取可施於禮義始於衽席。故閨睢之亂以為風始。程子曰文王自閨門衽席之微積累到薰蒸洋溢天下無一民物不被其化矣。

孚佑緝熙西顧與宅

孚信佑助緝繼續熙光明顧瞻宅居詩文王篇於緝熙敬止皇矣篇乃卷西顧此維與宅言天以西岐之地為周安宅也。

肆發觀政旄鉞麾席

肆故發武王名觀政猶伊尹所謂萬夫之長可以觀政旄牛尾為之軍中指揮鉞斧也以黃金為飾杖之以為儀者麾指揮席陳遠也書恭誓言曰肆予小子發以爾友邦冢君觀政于商牧誓言曰王左仗黃鉞右秉白旄以麾此言武王將伐紂也。

盟津約誓附國八百

盟津地名在孟州河陽縣約約束誓約信即秦誓牧誓篇之言附依國封域也史記曰九年武王上祭于畢東觀兵至于盟津是時諸侯不期而會者八百

釣渭非熊皓首憑軾

釣釣魚也渭水名出隴西今渭源縣非熊卜辭皓首白頭也憑依軾車前軾也史記齊世家曰呂尚者東海上人姓姜氏蓋嘗窮困年老矣以漁釣奸周西伯西伯將獵卜之曰

所獲非龍非麇非虎非羆所獲霸王之輔也西伯獵果遇尚於渭水之陽與語大說曰自吾太公望子久矣故誦曰太公望載與俱歸文王薨佐武王克商封於齊都營丘

殪戎漂杵祝斷丑曆

殪殺戎兵漂浮杵舂杵或作鹵楮祝斷絕也丑曆商正建丑為正月書武成曰血流漂杵此言武王伐紂紂之前徒倒戈自相屠戮天下遂定絕丑曆而用建子之月為周正月也

嗣誦幼冲旦豈履藉

嗣繼誦成王名。幼冲弱稚也。且周公名履藉踐蹈也。史記曰武王崩太子誦代立。是為成王。成王少周公恐諸侯畔乃攝行政當國。禮記明堂位曰昔者周公朝諸侯於明堂之位天子負斧扆南鄉而立石梁王氏曰周公為冢宰時成王年已十四非攝位但攝政耳。

### 植璧秉珪金縢納冊

植置秉執也。珪璧禮神之玉。周禮典瑞曰裸圭有瓚以肆先王。金縢蔽卜書之匱以金緘之也。納入冊祝冊也。書金縢曰武王有疾周公乃為三壇同墠為壇於南方北面周公立

焉。植璧秉珪乃告太王王季文王。史乃冊祝曰旦以身代某之身公歸以冊納金縢之匱中。王疾乃瘳。

## 挾

### 管蔡挾庚往差罪辟

管地名在滎陽京縣。周公之兄叔鮮所封。蔡亦地名。即上蔡。周公之弟叔度所封。挾掖庚武庚紂之子也。往去差以罪愆辟刑也。按通鑑初武王使管蔡二叔相紂之子武庚治殷。成王元年周公居冢宰代王當國。二叔及霍叔流言曰公將不利於孺子。奄君謂武庚請舉事。武庚從之。與二叔同反。二年周公討武庚。管叔誅之。放蔡叔于郭隣。

霍

降霍叔為庶人遂定奄地及淮夷東土以寧。

斧折卒完繡衣赤鳥

折七羊切  
鳥音昔

隋登曰斧方登曰折卒終完全也五色備曰繡衣也赤南方色鳥複履也詩破斧篇既破我斧又缺我折言周策征之役既破我斧又缺我折其勞甚矣終則完師而歸也九罭篇衣繡裳狼跋篇赤鳥几几言周公居東之時東人見其佩服之盛雖遭疑謗然處之不失其常而安肆自得如此。

釗持旣盈圉圉闐寂

圉音令圉音語  
闐音密

釗康王名成王子也持執守也旣已盈滿圉圉獄闐寂靜也史記曰成王將崩懼太子釗之不任乃命召公畢公率諸侯以相太子而立之天下寧謚刑錯四十餘年不用。

滿老毛喜遊遐務馬轍迹

滿穆王名昭王子也老毛喜樂遊遨遐達也亂馳羈馬車輪所輾之迹曰轍迹馬迹也按史記穆王春秋五十而立。在位五十五年而崩故曰老毛左傳楚右公子革對靈王曰昔穆

王欲肆其心周行天下將比日必有車轍馬迹焉祭公謀父作  
祁招之詩以止王心是以獲沒於祗宮

### 胡仍板蕩靜續憤悵

胡厲王名夷王子也仍重也板蕩詩變大雅二篇名靜宣王  
名厲王子也續繼憤怒悵憂也史記曰厲王即位三十年好  
利近榮夷公大夫芮良夫諫之王不聽又得衛巫使監謗者  
以告則殺之後三年乃相與畔龍衣厲王王出奔于氐太子靜  
匿召公之家召公奭周公旦二相行政彌曰共和十四年  
王死于氐二相乃立靜是為宣王二相輔政諸侯復宗周

### 側躬勵行俊髦任職

側躬側身也謂憂懼不敢正處也勵行勉德也智過千  
人曰俊髦俊士之選也任負職所掌之事也詩序曰宣  
王承勵王之烈側身脩行天下喜於王化復行也俊  
髦若周公鄒公南仲皇父程伯尸吉甫之徒是也

### 玃狁侵鎬徐土騷繹

玃狁北狄也潛師掠境曰侵鎬鎬京在陝西西安府詩六月  
篇玃狁匪茹侵鎬及方傳曰厲王胡暴虐周人逐之出居

于豨獫狁內侵逼近京邑王崩子宣王即位命尹吉甫師  
伐之徐嬴姓國在下邳騷擾動也繹連絡也詩常武篇  
徐方繹騷傳曰夷屬以來周室衰弱至是而天子自將  
以征不庭

迅而霆嘽嘽焯焯帛綿翼翼

焯音哮

迅雷疾雷也嘽衆焯盛也詩采芑篇嘽嘽焯焯如霆  
如雷傳曰宣王之時蠻荆皆叛王命方叔南征也焯帛怒  
帛也綿不可絕翼不可亂也常武篇闞如旛帛又曰綿綿  
翼翼傳曰宣王自將以伐淮北之夷有截然不可犯之勇也

恢復疆境雅頌諧激

恢大復反也疆境土<sub>字</sub>寓之界域也言天下之事形四方之風謂  
之雅頌者美盛德之形容以其成功告於神明者也諧和激蕩  
也詩江漢篇式辟四方徹我疆土于疆于理至於南海傳曰江  
漢既平闞四方之侵地而治其疆界但使其來取正於王國而  
已故尹吉甫作江漢諸篇以美之

徒

宜曰徒居俯就衰絀

宜曰平王名幽王子也徒居近都俯低就即衰弱絀退也



通鑑曰幽王廢申后及太子宜臼以褒姒為后以其子伯服為太子宜臼出奔申王伐申申侯與鄆人召西夷大戎殺王於驪山下諸侯即申國立太子宜臼是為平王以豐鎬逼近戎狄乃東遷於洛邑自是王室微弱號令不行政由方伯矣

### 宗廟黍離過者閔惻

流泝所出曰宗室有東西廂曰廟黍離詩篇名黍穀名苗似蘆高丈餘穗黑色實圓重離岳貌過者往來之人也閔惻傷痛也傳曰周既東遷大夫行役至于宗周過故宗廟宮室盡為禾黍閔周室之顛覆彷徨不忍去故賦所見以追

怨之也

### 西朝業紛更周綱竟失

霸把持諸侯之權也業事紛雜更代也綱謂綱紀竟終失亡墜也莊王之時齊桓公小白始創霸業其後宋襄晉文楚莊秦穆皆跡而為之交主夏盟弼令天下幾於改物周室所存者惟王號與祭耳

### 尼父將聖體用皇極

尼孔子字父丈夫之顯稱魯哀公誅孔子曰嗚呼哀哉尼

父將殆也大而化之之謂聖論語曰固天縱之將聖體躬以用皇君也極者至極之義標準之名中立而四方之所取正者也書洪範曰建用皇極此言孔子道大德洪祖述堯舜憲章文武其於日用彝倫之間無不極其義理之當然而無一毫過不及之差也故孟子曰自生民以來未有盛於孔子者也

### 魁圍莫害陳餒非厄

魁宋司馬向魁也出於桓公又稱桓魁圍統莫害無傷也陳國名媯姓餒飢非厄不災也按史記孔子適宋與弟子習禮大樹下魁欲殺孔子拔其樹有天生德於予之語迂于蔡楚

使人聘之孔子將往拜禮陳蔡大夫謀曰孔子久在陳蔡之間諸大夫所設行皆非其意今楚大國也來聘孔子孔子用於楚則陳蔡用事大夫危矣乃相與發徒圍孔子於野不得行絕糧有君子固窮之語

### 刪書定詩繫辭點索

刪削也詩風雅頌之總名定正也書典謨誥誓之總名繫綴也辭說也點斥也索八索也按史記曰古者詩三千餘篇孔子去其重取可施於禮義為三百五篇孔子皆弦歌之孔子安國書序曰刪詩為三百篇讚易道以點八索討論增典

斷自唐虞以下訖於周典謨訓誥誓命之文凡百篇。

## 晚潛奧思筆削史策

晚暮年也潛藏奧思深意也筆翰削書刀也考工記魯之削是也史史籍也策編簡也史記曰孔子在位聰頌文辭有可與久共者弗獨有也至於為春秋筆則筆削則削子夏之徒不能贊一辭胡安國曰春秋魯史爾仲尼就加筆削乃史外傳心之要典也。

## 姚姒以降斟酌準的

姚舜姓姒禹姓降下也斟酌取善而行也準揆平取正之器也的射侯之中也程子曰夫子作春秋為百王不易之大法斯道也惟顏子嘗聞之矣行夏之時乘殷之輅服周之冕樂則韶舞此其準的也。

## 日星炳煥千古貽則

日太陽之精星五緯列宿之總名炳煥光明貌十百曰千古遠伐也貽遺則法也程子曰春秋大義數十其義雖大炳如日星乃易見也胡安國曰春秋見諸行事非空言比也公好惡則發乎詩之情酌古今則貫乎書之事典常典則體乎

禮之經本忠恕則遵乎樂之和者權制則盡乎易之變百  
王之法度萬世之準繩皆在此書

### 麟瑞應期妙感孰測

麟仁獸也嘉祥符應曰瑞應期當會也神化不測曰妙  
孰測誰度也春秋魯哀公十四年春西狩獲麟胡傳曰河  
出圖洛出書而八卦畫策籥韶作春秋成而鳳麟至事應  
雖殊其理一也夫子作春秋明王道正人倫氣志天人交相感  
勝之際深矣制作文成而麟至宜矣

### 樂育英才升堂入室

樂育悅育養也才勝萬人曰英才能也孟子曰君子有三  
樂得天下英才而教育之一樂也升堂入室喻入道之次第  
論語曰由也升堂矣未入於室也

### 伋踏前軌軻稟絕識

伋孔子孫名字子思踏踐軌轍迹也言孔子沒獨曾子  
接夫道統之傳孔伋又能踐踏先人之軌轍而傳也軻孟  
軻鄒人絕奇識知識也趙岐曰孟子魯公族孟孫之後生有淑

質夙喪其父幼一被慈母三迁之教長師子思通五經與高弟子公孫丑萬章之徒難疑答問自撰法度之言著書七篇

### 標示中庸攘拒楊墨

標表示呈也中者不偏不倚無過不及之名庸平常也朱子曰中庸何為而作也子思子憂道學之失其傳而作也攘驅逐拒杆禦也楊楊朱墨墨翟孟子曰聖王不作諸侯放恣處士橫議楊朱墨翟之言盈天下楊氏為我是無君也墨氏兼愛是無父也無父無君是禽獸也楊雄曰古者楊

墨塞路孟子辭而闕之廓如也

### 王澤息傳獨賴遺編

王澤謂流風餘韻也息絕傳續賴恃也遺編聖賢所遺之書古者無紙削竹為簡以繩聯次如編然及周之衰賢聖之君不作學校之政不脩戰國縱橫異端並起正途壅底大道不行所恃乎而不泯者幸有夫簡編之存耳

### 孟軻秦訖報惆悵卜年

孟軻姓秦國名按史記秦之先顛頊之苗裔訖止也報報

王周之末主也。惆悵失志，貌灼龜曰卜，穀一熟曰年。王孫滿曰：成王定鼎于郊，鄩卜世三十，卜年七百。通鑑報王五十九年，秦使將軍繆攻西周王，秦盡獻其邑。皇甫氏曰：報非謚法，正以微弱逃遁，報慚愧，故曰報耳。

右第五節叙周

### 烹滅列侯廢壞井田

烹煮滅絕也。列侯列國諸侯也。按通鑑：始皇帝十七年以來，內史勝滅韓，王翦滅趙，及楚王賁滅魏，及燕齊六國也。廢隳也。物不自敗而毀之曰壞。井田古者一夫受私田百畝，公田十畝，八家是為一井，八十畝餘公田二十畝，八家分之，得二畝半，以為

廬舍城邑之居。此成周之法也。至商鞅乘經界不正之餘，為阡陌決裂之制，此井田所以大壞於秦也。

### 雜燒簡牘耽惑佞仙

雜參錯燒焚藝文也。單札曰簡，牘書版。按通鑑：始皇末，李斯上書曰：今天下已定，法令出於一，今諸生不師今而學古，非當世惑亂黔首。臣請史官非秦記皆燒之，非博士官所藏有藏詩書百家語者皆詣守尉雜燒之。耽樂惑迷佞仙神仙也。始皇二十八年，燕人宋無忌、羨門子高之徒稱有仙道形解銷化之術，使人入海求三神山不死藥，遣方士徐市發童男女

數千入海求之。

### 良遇劉邦嬰頸拘牽

良張良也不期而會曰遇劉邦漢高祖名嬰秦王子嬰也。按史記張良其先韓人秦滅韓良為韓報仇擊秦始皇博浪沙中誤中副車始皇怒大索天下良乃更姓名匿下仰聚少年百餘人道遇沛公於留佐沛公定天下沛公西入關子嬰素車白馬係頸以組降軹道傍。右第六節叙秦。

### 再報仇雙言楚羽戒咽

再重報復也。然耦曰仇雙言亦仇也。楚國名羽項籍字也。戒殺咽喉也。按通鑑楚懷王與諸將約先入關中者王之沛公先入關羽後至怒攻函谷沛公見羽於鴻門謝罪羽乃自立為西楚霸王封沛公於漢中是為漢王後拜韓信為將破羽垓下追至東城羽自刎蓋羽殺韓王成張良又藉漢以滅羽故云然。

### 炎漢開創規模廣延

炎火光也漢以火德王故曰炎漢開創造始也規為圓器。模法也廣大延遠也。按通鑑高祖豁達大度寬仁愛人好謀。

能聽知人善任五載而成帝業雖日不暇及規模宏遠矣

### 勃誅祿產光擁昭宣

勃周勃沛人也佐高祖定天下有功封絳侯呂后八年呂祿呂產欲作亂絳侯使酈寄紹說呂祿以兵屬太尉太尉入軍門令曰為呂氏右袒為劉氏左袒軍中皆左袒太尉遂將北軍悉捕諸呂男女無少長皆斬之光霍光也擁抱持也昭昭帝武帝子宣宣帝武帝曾孫武帝崩太子弗陵即位是為昭帝霍光輔幼主政自己出元平元年帝崩立昌邑王賀賀淫戲無度光白太后廢之立衛太子之孫病己是為宣

帝光稽首歸正上謙讓不受光權益重地節二年薨

### 董相仲舒儒術窮研

董姓仲舒名儒學者之稱術業也窮研極究也史記儒林傳仲舒廣川人以治春秋孝景時為博士惟講誦三年不覩園進退容止非禮不行學士皆師尊之為江都膠西相以疾免居家不治產業以脩學子著書為事

### 請罷辟邪乃績山魏焉

請祈罷廢黜辟邪姦也績功魏高也通鑑武帝詔舉



賢良方正直言極諫之士。上問以古今治道。仲舒對曰。道之大原出於天。是禹繼舜。舜繼堯。三聖相授。而守一道。春秋大一統者。天地之常經。古今之通誼也。今師異道。異人異論。百家殊方。指意不同。臣愚以為諸不在六藝之科。孔子之術者。皆絕其道。勿使並進。胡安國曰。仲舒推明孔氏之功。不在孟子下。

### 賊莽弑耦爾玉冠佩玃玃

玃音堅

偷盜劫掠曰賊莽。王莽也。劫奪爾玉印也。冠冕弁總名也。佩玉。佩玃。玃。玃。玃。三歲豕也。按綱目。王莽初始元年。時以孺子未立。爾玉。歲長樂宮。莽使安陽侯舜請之。太后怒罵之曰。而屬

父子宗族。蒙漢家力。富貴累世。乘便利時。奪取其國。不復顧恩義人。如此者。狗猪不食其餘。天下豈有而兄弟邪。亦當自用作爾玉。傳萬世。何用此亡國不祥。爾玉為乃出爾。授之地。此言以冠佩加于玃玃。蓋深惡莽之辭。

右第七節叙西漢

### 白水龍翔榮取青氊

白水地名。南陽蔡陽縣也。龍鱗虫之長。君象也。翔飛也。易曰。飛龍在天。利見大人。凡天子之興。通謂之龍飛。蓋謂光武也。氊。毛席也。王子敬曰。青氊我家舊物。蓋喻天下劉氏之舊。

物也。按綱目：長沙定王發之後，南頓令欽生三男：續、仲、秀。王莽地皇三年，兄弟起兵壽陵，卒誅王莽。艾刈群雄，克復旧物。秀即位於鄡南，是為世祖光武皇帝。

或教尼旦切

變洽救寧，吾奚間然。

變和洽，沾被周徧也。救撫寧安，吾教堂自謂也。奚，何間罅隙也。然，語辭。漢書循史傳序曰：長於民間，頗達情偽，見稼穡艱難，百姓病害，至天下已定，務用安靜，解王莽之繇，密還漢世之輕法，故能內外匪懈，百姓寬息焉。

### 志宏朽馭闡寺聯翩

翩

志桓帝名宏，靈帝名朽，厲馭統也。闡寺，男子無勢者之名。聯翩，綴屬不絕貌。通鑑：桓帝延禧二年，中常侍單超、徐璜、黃門令、貝瑗、小黃門史、左綰、唐衡，以誅河東冀功，皆封為縣侯，專擅貪縱，傾動內外。靈帝建寧元年，中常侍曹節、王甫等共相朋結，諂事太后，殺竇武、陳蕃。中平六年，中常侍張讓、段珪詐以太后詔，召大將軍何進，斬之。袁紹及何苗捕得趙忠等，及諸宦官二千餘人，皆殺之。書曰：五子之歌曰：慄乎若朽索之馭六馬，引此以喻桓靈之不競。若以朽

索之馭馬而不能制宦官之暴橫也。

### 黨錮縉紳催記兵纏

黨朋也錮鑄塞之也。縉播通插也。紳太帶播笏於紳謂之縉紳。通鑑桓帝延禧九年河內張成善風角推占當赦教子殺人司隸李膺收捕之逢宥當免膺竟按殺之成素以方技交通宦官帝亦頗訊其占宦官教成弟子牢脩上書告膺等養太學遊士交結諸群生徒共為部黨誹訕朝廷。於是下膺等於黃門北寺辭所逮及杜密陳翔陳寔范滂之徒二百餘人永康元年赦之放歸田里書名三府禁錮終身天下

大夫皆高尚其道希之者惟恐不及共相標榜為之稱號有三君八俊顧及八厨之名催李催記郭記也兵戎器或曰士卒也纏繞也獻帝初平三年司徒王允等謀誅董卓卓部將李傕郭記等攻長安殺王允後催記爭權治兵相攻催迎帝幸其營後曹操誅催三族記為其下所殺。

右第八節叙東漢

### 許都曹操鄂保孫權

許地名在潁川都居也曹操人名綱目獻帝建安元年操引董昭問計昭曰此下諸將人殊意異今留臣弼事執不便

執

惟有移駕幸許耳操曰此孤本志也乃奉車駕東遷自為大將軍封武平侯自是政歸曹氏天子守位而已鄂地名今武昌保守也孫權人名綱目昭烈章武元年孫權自公安徙都于鄂更名曰武昌

### 亮考翊備據蜀當天

亮諸葛亮也考語辭翊輔助也備昭烈名也據守蜀國名今四川當承也綱目建安十二年備訪士於襄陽司馬徽曰此間有伏龍鳳雛備問為誰曰諸葛孔明龐士元也備由是詣亮凡三往乃見亮曰荆州北據漢沔利盡南海東連吳會西通

巴蜀此用武之國殆天所以資將軍也將軍既帝室之胄信義著於四海跨有荆吳保其岩阻如是則霸業可成漢室可興矣後輔備即位漢中是為昭烈皇帝紹漢正統承乎天而順乎人也 右第九節叙三國

### 司馬欺孤懷啟心連顛

司馬晉姓欺陵也幼而無父曰孤通鑑魏明帝景初三年帝寢疾司馬懿入見帝執其手曰吾以後事屬君君與曹爽輔少子是日立齊王芳為太子後立為邵陵厲公懿卒子師代其官廢帝迎高貴鄉公髦即位師卒詔以弟昭為大

將軍錄尚書事封晉公加九錫卒子炎嗣尋廢魏主為  
陳留王自立稱皇帝石勒曰終不效曹孟德司馬仲達欺人  
孤兒寡婦狐媚以取天下也懷懷帝愍愍帝連續顛傾  
仆也懷帝永嘉五年漢主聰使呼延晏寇洛陽執帝後遇  
害愍帝立建興四年漢大司馬劉曜逼長安帝乘牛車肉  
袒輿襯出降尋遇害 右第十節叙西晉

### 道守建江表安推符堅上

道守王道守建樹置也江表江外謂江東通鑑懷帝永嘉五年  
漢兵既執帝海內大亂獨江東差安中國士民避亂者多南

渡江鎮東司馬王道守說琅琊王睿收其賢俊與之共事睿  
後之辟椽屬百餘人守協下壺陳頤庾亮甘卓周訪陶侃  
皆與焉太興元年愍帝凶問至建康睿即位是為東晉元  
帝安謝安推挫也符堅秦主姓名也晉烈宗太元二年朝廷  
以秦寇為憂詔求文武良將可以鎮禦北方者謝安以兄子  
玄應詔八年秦大舉入寇玄帥眾八萬拒之大破秦兵於淮  
淝之間堅登壽陽城望見八公草木皆以為晉兵始有  
惧色眾遂大奔堅中流矢單騎走 右第十一節叙東晉

### 南北判列衣箠旬腥羶且

羶音煽

判割裂破也。周禮職方氏方二千里曰王畿，又其外方五百里曰甸服，腥豕息肉羶羊臭也。蓋喻五胡亂華也。宋劉裕齊蕭道成梁蕭衍陳陳霸先，此四代謂之南朝。魏拓拔珽齊高洋周宇文覺，此三家謂之北朝。此言五胡亂華之後，南北角立，分割疆土，使夫衣冠之民，汙染為左社之習，如腐鬻之腥羶也。

隋軫曰混并煬惡周悛

煬羊悛銓

隋楊氏有天下之號，軫不久也。混大并兼也。煬煬帝惡不善也。周無悛改也。綱目周主大象三年，周主遜居別宮，隋王楊

堅即位，是為文帝。開皇九年，命總管賀若弼、韓擒虎進軍滅陳，天下混一焉。仁壽二年，太子廣弒帝自立，是為煬帝。是夕，炁文帝宣華夫人殺故太子勇，營東京宮，室開通濟渠，置離宮，造龍舟，築西苑，及長城、汾陽宮，奢侈無度，長惡不悛，卒致宇文化及之弒。右第十二節叙南北朝及隋。

世民雄視，次貝受勇智。

世民，唐太宗名也。本紀曰：太宗幼時，有書生異之，曰：龍鳳之姿，天日之表，必能濟世安民。故因名曰世民。雄視猶虎視也。資材所質，受稟勇果敢也。智，心有所知也。通鑑：隋恭帝

義寧元年。世民見隋室方亂。陰有安天下之志。乃說父淵曰。今主上無道。百歲困窮。危亡無日。不若順民心。興義兵。此天授之時也。後削平僭偽。奄有四海。廟號太宗焉。

除

除殘滌暴。慕仁勸義。

除去也。賊義曰殘。滌洗暴橫也。此言隋末群雄如楚林士弘。梁師都。朱燦。秦薛舉。梁李執。蕭銑。魏李密。竇建德。定陽劉武周。皆殘賊暴橫之徒。太宗悉除滌討。平之。慕思仁心之德。愛之。理勸勉也。義心之制事之宜。通鑑太宗貞觀四年。天下大稔。帝曰。此魏徵勸我行仁義。既効矣。惜不令封德彝

見之。

斗米數錢。外戶不閉。

十升為斗。錢貨泉也。半門曰戶。閉掩也。貞觀四年。天下大稔。米斗不過三四錢。東至於海南。及五嶺。皆外戶不閉。行旅不費。糧取給於道路焉。

丞輔疇功。鑑亡一魏。

丞副貳也。輔弼疇誰也。周禮司勳。國功曰功。鑑鏡亡失也。魏徵貞觀十七年。徵薨。上自製碑文。并為書石。思之不

已謂侍臣曰人以銅為鑑可正衣冠以古為鑑可知興替以人為鑑可明得失朕嘗保此三鑑以防已過今魏徵沒朕亡一鑑矣。

### 玩黷高麗猶橫壯氣

玩弄黷數也唐書東夷傳高麗本扶餘別種西北渡遼水與營州接其君所居城亦謂之長安貞觀十七年新羅遣使言百濟與高麗連兵謀絕新羅入朝之路李世勣勸上伐之乃詔諸道軍分道擊高麗范氏曰太宗之伐高麗非獨恃其四海之富兵力之強也本其少時奮於布衣志氣英果百戰百勝以取天下治安既久不能深居高拱猶思所以逞志

扼腕踴躍喜於用兵如馮婦搏虎不能自止。

### 牝雞遽晨枝幹披瘁

牝雞雌雞也遽忽晨早也讀作論語晨門之晨書牧誓曰牝雞無晨牝雞之晨惟家之索引此以喻婦人之預政也枝木支幹木身喻子孫支派也披分瘁病也唐高宗永徽五年上拜太宗才人武氏為昭儀尋立為后高宗崩中宗立武后廢之自立天授元年改國號曰周誅唐宗室貴戚數百人。



# 狄張扶傾唐統存繼

狄狄仁傑張東之扶佐助傾歎側也唐李氏有天下之號統系緒也存再繼續也按通鑑中宗既廢為廬陵王居房州武三思營求為太子太后意未決仁傑每從容言於太后曰姑姪之與子母孰親陛下立子則千秋萬歲後配食廟承繼無窮立姪則未聞姪為天子而祔姑於廟也又勸太后召還廬陵王立為皇太子久視元年仁傑薦荊州長史張東之卒用為相後東之與崔玄孺等誅張易之張昌宗說武后傳位太子中宗即位復國號曰唐

# 霓曲謹言鼙鼓駭沸

言轟擊聲

霓曲霓裳羽衣之曲也謹謹言大也明皇雜錄載葉法喜以仙術導明皇遊廣陵事荒唐不足信惟白樂天長恨歌曰緩歌慢舞凝絲竹盡日君王不足漁陽鼙鼓動地來驚破霓裳羽衣曲及劉禹錫詩曰三鄉陌上望仙山歸作霓裳羽衣曲蓋指明皇納楊太真為貴妃眈嗜声色有如此歌舞之謹言也鼙馬上鼓駭驚沸湧也按綱目安祿山本營州雜胡部落破散逃來累遷將軍平盧兵馬使營州都督范陽節度使爵東平郡王出入禁中求為

貴妃兒或與貴妃對食或通宵不出頗有醜聲上亦不疑也天寶十三載三月祿山歸范陽次年十月發所部兵反僭號改元陷沒兩京上幸西蜀

臨淮汾陽汎掃氛翳汎信汾焚翳於計切

臨淮郡名今泗州汾陽今汾州汎洒掃糞除氛妖氣翳蔽也按綱目以郭子儀為朔方節度使李光弼為河東節度使討安祿山之亂收復兩京後皆以功進爵郭子儀為汾陽王李光弼為臨淮王此言二人克定禍亂也

執負斬篡公泚朔心自和叛濟泚此想素

執負陸贄斬斷首也逆而奪取之曰篡泚朱泚也通鑑唐德宗建中四年涇原節度使姚令言與亂兵謀奉朱泚入宮稱大秦皇帝改元應天時陸贄在翰林為上所親信大小之事必與贄謀之故奉天所下詔書將士聞之無不感激興元元年朱泚敗為其將梁庭芳斬之傳首行在想李愬掛首於木曰梟叛背濟吳元濟也憲宗元和九年彰義節度使吳少陽卒其子元濟匿喪自領軍務十二年以李愬為唐鄧隨節度使討之夜半雪甚行七十里至城下無一

人知者元濟於城上請降梯而下之檻送京師

貂璫專命霜凝冰至貂凋 璫當

貂璫冠飾也專擅也上所出為命霜凝露冰凝冰至到也埋  
雅曰貂鼠類縛毛者也其皮煥人以温額後代倣之 金  
璫飾首前插貂尾至漢加以附蟬為文侍中插左常侍插右  
至明帝金璫右貂悉用闍人易曰履霜堅冰至履霜陰始凝  
也馴致其道至堅水也唐至中葉寵任闍堅甘露之變文宗  
受制馴而至於昭宗廢處少陽鎖其門鎔鐵以錮之穴墻  
以通飲食遂亡其國悲夫

藩鎮交如手虐悖狂恣悖倍

藩屏蔽鎮安壓也交如手牽引也虐殘酷悖叛亂狂  
猖獗恣縱肆也通鑑唐繼藩臣跋扈始則安祿山終則  
李茂貞其間擅立若侯希逸專殺若辛雲京拒命若田  
承嗣王武俊叛命若吳元濟之徒皆以方鎮握兵天子力  
不能制遂以亡唐

魚爛絲林分吁嗟五季焚焚

爛腐焚亂吁嗟嘆辭五季梁唐晉漢周也梁朱溫唐李

存勛。晉石敬瑭。漢劉知遠。周郭威。相繼而立也。歷年圖  
曰。梁淫虐不悛。禍自內興。唐御衆無法。便嬖是用。晉內政  
不修。外挑強鄰。漢雖有南面之號。政非已出。周措身無所。乘  
危而發。大功未成。中道而夭。此言五代歷年不永。旋踵以亡。如魚  
爛不可捩。如絲亂不可理也。豈非天啓趙宋。丕休之基也哉。

右第十三節叙唐及五代

猗歟我宋盡美全懿

猗。美盛歎語辭。我致堂自謂也。宋趙氏有天下之號。美懿  
嘉好也。通鑑周恭帝元年。太祖受禪。國號宋。史臣曰。太祖

聰明仁孝。豁達大度。削平僭國。信任儒臣。抑奪權豪。愛  
民養力。號稱美仁之主。太宗沉謀英斷。真宗寬仁慈愛。仁  
宗恭儉仁恕。神宗勵精求治。哲宗幼冲。太后面。任用賢相。高  
宗恭儉仁恕。其他若政治之善。風俗之美。不能盡述焉。

埭北難名普率純被

埭音盍北音軌

埭北。無垠際貌。難名。猶民無能名之意。普徧率。皆純大。  
被。覃及也。言宋德化之盛。普天率土。皆治被其澤也。

喬松孕秀顏子血金縷口

喬松高山也。孕育秀華也。顏顏回孟孟軻也。轡馬韁也。詩曰：惟嶽降神，生甫及申。言賢哲鍾山嶽之英華而生也。此謂濂洛諸君子可與顏孟並駕而齊驅也。

### 私淑諸人追配洙泗

私竊淑善也。孟子曰：予私淑諸人也。追逐配匹也。洙泗二水名。洙在魯城北，泗在卞縣。此亦指周程張邵而言，謂其私淑諸人可以追配孔子洙泗之教也。

### 莊老虛談佛釋空諦

莊子老老子虛談空言也。按史記莊子家人名周嘗為蒙漆園吏，學本於老子，著書十餘萬言，大抵率寓言也。老子楚人，姓李氏，名耳，字伯陽，周守藏室之史也。見周之衰，乃遂至閔閔，令尹喜曰：子將隱矣，為我著書。乃著道德之意五千餘言而去。佛西方神名，釋沙門姓。按晉史：道安受業於佛圖澄，遂以釋為姓。沙門稱釋，始此。空虛諦，審也。龍舒心經記曰：苦集滅道，此名四諦，謂其理審諦，非徒說也。此蓋斥莊老之虛無，佛釋之寂滅也。此以下皆闢異端小道之非。

申韓慘刻朱翟偏蔽

申申不害韓韓非慘酷毒刻雕鏤也按史記申不害京人鄭之賤臣也學本於黃老而主刑名著書二篇以干韓昭侯昭侯用為相韓非韓之諸公子也喜刑名法術之學作孤憤等篇十餘萬言後使秦為李斯所毀下吏自殺朱楊朱翟墨翟偏旁蔽障也解見前攘拒楊墨主下

璞輅考占黥彭擊刺

輅路

璞郭璞輅管輅考稽占筮也按晉書郭璞字景純河東

聞喜人妙陰陽筭曆洞五行天文卜筮之術為王敦參軍為敦所殺三國魏志管輅字公明明周易風角占相之道自相不壽後果然黥黥布彭彭越擊刺攻殺也按史記黥布交姓英氏佐項羽封九江王後叛楚歸漢立為淮南王發兵反以敗死彭越昌邑人字仲常初為群盜後佐漢高祖破楚立為梁王後欲發兵反高祖使使掩捕囚之夷其族

篆籀末習詞章小技

籀冑

篆古書也籀人名末上曰末習重習也史記曰周史籀

變科斗文為大篆。詞詩詞章文章也。小微技巧也。詩書自  
夫子刪後。迨夫兩漢。猶有可觀。下逮六朝。日趨靡麗。無復渾  
厚之氣矣。

### 肯涉波瀾致遠恐泥

肯可涉水行也。爾雅由騰以上曰涉。波浪也。大波為瀾。致至  
遠。遙恐懼泥不通也。論語曰。雖小道必有可觀者焉。致遠  
恐泥。此總結上文。莊老佛氏之虛無。申韓楊墨之異教。  
占筮擊刺。文翰詞章之小道。揆之聖人大中至正之道。率皆  
阻泥而不通也。

### 探賾鉤隱涵養精粹

探。摸取也。賾。深鉤。致隱微也。易曰。探賾索隱。涵。沈浸也。養。  
育。精。專一粹。純也。至理深微。非淺近之可探。心德精純。非涵  
養。莫能致志。學之士。故必從事於斯。庶可躋聖賢之域矣。

### 達理制事酌酢經緯

達。通理。天理也。制。裁事。人事也。酌。酢。答也。家語曰。南北為  
經。東西為緯。通天理之正。合人事之宜。酌酢萬變。經緯天  
地。

# 舉此加彼兼善博施

舉挈加施也。即論語已欲立而立人，已欲達而達人之意也。兼該博廣也。即孟子達則兼善天下，論語博施于民之意也。程子曰：仁者以天地萬物為一體，莫非已也。認得為已，何所不至，故能使天下之民皆歸於善，而咸被吾之恩澤也。張子曰：尊高年，所以長其長，慈孤弱，所以幼其幼。

## 參乎覆載可謂大器

參齊乎語辭，覆載天地也。指事而言曰：謂大器即覆載

之意，非適用之器也。中庸曰：天地無不持載，無不覆幬，自涵養精粹而下，皆言吾道漸進之方，由格物致知以及平天下，而參天地而贊化育，則學問之極功，聖人之能事，於此焉畢矣。右第十四節叙宋及總叙。

福伏觀先正徽國文公之言，其所以推譽教堂之用心，開廣後生之正路者，亦已至矣。惜乎是書不能以與西銘正蒙並傳於成書中爾。蓋當時或有未暇及此者，不無望於後人也。福嘗授讀是書，觀其以天地之大本，古今之大畧，學問之大端，而約為一千之言，比之感興詩，尤為簡當，用字奇古，出於易書詩禮春秋諸史之間。



苟非學該才贍未足以越其閭閻也。顧福何人輒敢加  
意於其間。然特以世之教童子者不能養其蒙以正。至  
長而浮靡。且今之所謂周氏千文者。草率駢儷。而童子  
者諷焉。乃敢取是書筆為訓詁。仍與友人河南穆勝允  
功。淮南許諒子貞。校讐訂正。成書。好事者捐資繡梓。于  
以伸致堂千古之心。予以正蒙士妙齡之養。觀之者幸毋  
罪其狂僭云。

大明景泰五年九月初五日。後學鳳陽姚福世昌書于

金陵青溪精舍。

致堂先生叙古千文終



武畧將軍

姚世昌

卷之二